



Көпэтносты Қазақстандағы бейбітшілік пен келісім – қазақстандықтардың жоғары мәдениеті мен даналығының, қоғамдық келісім мен жалпыұлттық бірлік саласындағы салиқалы және көрегенді саясаттың нәтижесі.

Қазіргі Қазақстанды мекендеген этностық топтардың ортақ тарихи тағдыры халықтың ділінде, оның өмірлік көзқарастары мен ұмтылыстарында жағымды көрініс тапты, барлық этностарға ортақ құндылықтар мен идеалдарды қалыптастырды.

XX ғасыр бойында Қазақстан аумағында көпэтносты қоғам мен халықты қалыптастырудың күрделі процесі жүрді. Ғасырдың басында Қазақстанға Ресейден, Украина мен Беларусьиядан 1 миллион 150 мың адам қоныс аударды.

XX ғасырдың 30-шы жылдары бұрынғы КСРО-ның орталық аудандарынан Қазақстанға 250 мың шаруа жер аударды. Дәл сол уақытта өнеркәсіп объектілерін салу үшін елдің барлық түкпірлерінен шамамен 1,2 миллион адам қоныс аударды. Әр жылдары Қазақстанға 800 мың неміс, 102 мың поляк, Солтүстік Кавказ халықтарының 550 мың өкілі, Қиыр Шығыстан 100 мыңға жуық корей отбасылары көшіп келді. Тұтастай алғанда XX ғасырдың басынан бастап Қазақстанға 5,6 миллион адам қоныс аударды. Экономикалық жағдайы қиын қазақ отбасылары барлық келімсек халықты қ а б ы л д а д ы .

Тарихи деректерді ескере және қазақтардың топтастырушы рөлін арқау ете отырып, Қазақстан халқының бірлігін нығайту мақсатында Қазақстан Республикасының Президенті Қазақстан халқы Ассамблеясының XXII сессиясында 1 наурызды – Барлық этностардың бір-біріне және қазақтарға алғыс айту күні деп жариялау туралы ұ с ы н ы с п е н с ө з с ө й л е д і .

Алғыс айту күнінің идеологиясында жалпыұлттық маңызы бар құндылықтар көрініс табады, Қазақстан халқының одан әрі топтасуына жәрдемдеседі.

## **Мерекенің мақсаттары мен міндеттері**

### **М а қ с а т ы :**

Алғыс айту күні мерекесінің мақсаты ортақ тарих, қазақтардың және барлық этностардың бір-бірін және қазақтарды қолдауы арқасында бірге өткерген қиыншылықтарды ұмытпау негізінде көпұлтты Қазақстанның бірлігін сақтау және дамыту болып табылады.

### **М і н д е т т е р і :**

Жалпыұлттық топтасу, ішкі саяси тұрақтылық, азаматтық бейбітшілік пен ұлтаралық татулық факторы ретіндегі «Мәңгілік Ел» құндылықтары негізінде қазақстандық патриотизмді нығайту;

барлық этностардың және қазақ халқының мәдениеті мен дәстүрлеріне құрметті қалыптастыру, қоғамдық келісім мен ұлттық бірлікті, ұлтаралық келісімді, әртүрлі этностар арасындағы достықты нығайту, сондай-ақ Қазақстан халқы Ассамблеясының

аясында барлық қайырымдылық іс-шараларын үйлестіру; қазақ халқының топтастырушы рөлін арқау ете отырып, қазақстандық патриотизм, Қазақстан халқының азаматтық және рухани-мәдени ортақтығы негізінде қазақ «Мәңгілік Ел» жалпыұлттық патриоттық идеясымен біріктірілген қазақстандық азаматтық біртектілікті және бәсекеге қабілетті ұлтты қалыптастыру.

Мерекенің идеологиясы қоғамда Қазақстан аумағында әртүрлі этностардың пайда болу тарихын, игерілмеген аумақтарда орнығуға байланысты қиындықтарды және этностардың тағдырына және тұтастай алғанда заманауи көпэтносты Қазақстан қоғамын қалыптастыру процесінде қазақтардың қатысуын түсінуді, құрметтеуді және білуді кеңейтуге бағытталған құндылықтарды көрсетуге тиіс.

### **Мерекенің идеялық-көркемдік тұжырымдамасы**

Алғыс айту күні мерекесінің басты оқиғасы ретінде республикалық және өңірлік деңгейлерде акция мен басқа да тақырыптық іс-шараларды өткізуді айқындаған жөн, бұл мерекенің идеологиялық жағын шоғырландырады, оған аяқталған нысан береді.

Мерекенің негізгі басымдықтары – идеялық бағыттылық, бұқаралық іс-шаралардың нысандары және олардың халықтық сипаты.

Қайырымдылық пен мейірімділік ісіне үлес қосқан адамдарды марапаттауды және көтермелеуді көздеу қажет.

### **Мерекені ақпараттық-идеологиялық сүйемелдеу**

Алғыс айту күнін мерекелеу аясында БАҚ-та қазақтардың топтастырушы рөлін арқау ете отырып, әртүрлі этностардың ел дамуына жалпы қатысуын атап өтетін оқиғаларға екпін беру қажет. Қазақтардың қамқорлығының, ілтипатының, қонақжайлылығы мен қолдауының арқасында қиын тарихи оқиғалар барысында қалыптасқан заманауи қазақстандық қоғамның қалыптасу тарихын жария етуге ерекше назар аударған маңызды.

- Мемлекет басшысының Қазақстан халқы Ассамблеясының XXII сессиясында Алғыс айту күні мерекесін өткізу қажеттілігі туралы сөйлеген сөзін телевизиялық және радиоарналардан трансляциялау;

- телемарафондар; газеттердің, журналдардың тақырыптық нөмірлерін, арнайы телерадиобағдарламалар шығару;

- этно-мәдени орталықтар өкілдерінің, ардагерлердің, шығармашылық зиялы қауымның көпшілік алдында сөз сөйлеуі;

- көрнекі жарнамалық және ақпараттық өнімдер дайындау және орнату; тақырыптық кітаптар шығару.

## Қаражат пен ресурстар

Орталық және жергілікті атқарушы билік органдары мерекені дайындау мен өткізу жоспарларын әзірлейді, іс-шаралар нысандарын және оларды өткізу орындарын айқындайды. Қазақстан халқы Ассамблеясының, оның өңірлік құрылымдары мен этномәдени орталықтарының, сондай-ақ басқа да қоғамдық бірлестіктердің қатысуымен жергілікті атқарушы билік органдары мерекені дайындау мен өткізуді ұйымдастырушылар және орындаушылар болуға тиіс.

Мерекені дайындау мен өткізу үшін жергілікті бюджеттің қаржы ресурстары, заңды және жеке тұлғалардың демеушілік қаражаты пайдаланылуы мүмкін.

## Күтілетін нәтижелер

Алғыс айту күнін мерекелеудің нәтижелері:  
барлық қазақстандықтардың біртұтас халық ретінде жақындасуына қол жеткізу;  
«Мәңгілік Ел» жалпыұлттық патриоттық идеясына негізделген құндылықтар  
ж ү й е с і н қ а л ы п т а с т ы р у ;  
тұрақтылықты, қазақстандық біртектілік пен бірлікті нығайту, «Мәңгілік Ел»  
жалпыұлттық патриоттық идеясын қоғамдық санада бекіту;  
қоғамдық келісім мен жалпыұлттық бірліктің қазақстандық моделін одан әрі  
ж е т і л д і р у ;

Қазақстан халқы Ассамблеясының қоғам мен мемлекет өміріндегі рөлін одан әрі  
н ы ғ а й т у б о л а д ы .

Аталған Тұжырымдаманы іске асыру нәтижесі ретінде қазақ халқының топтастырушы рөлін арқау ете отырып, Қазақстан халқының азаматтық және рухани-мәдени ортақтығының қалыптасуын санау керек. Барлық қазақстандықтар бейбітшілік, келісім және Қазақстанның табысты дамуы үшін бір-біріне алғыс білдіруге бағытталған іс-шараларға ортақтасуға тиіс. Қазақстандықтар бейбітшілік пен келісімге негізделген қоғам құрудағы қазақ халқының тарихи рөлін сезінуге тиіс.